

ՀՍՍՀ ԳԱ ԸՆԴՀԱՆՈՒՐ ԺՈՂՈՎ ԵՎ ՀՈՐԵԼՅԱՆԱԿԱՆ ՆՍՏԱՇՐՋԱՆ
ՆՎԻՐՎԱԾ ՍՍՀՄ ԿԱԶՄԱՎՈՐՄԱՆ 50-ԱՄՅԱԿԻՆ

1972 թ. հոկտեմբերի 25—27-ը ՀՍՍՀ ԳԱ նախագահության նիստերի դահլիճում տեղի ունեցավ ՀՍՍՀ ԳԱ ընդհանուր ժողովը և հորելյանական նստաշրջան՝ նվիրված ՍՍՀՄ կազմավորման 50-ամյակին:

Ընդհանուր ժողովը և հորելյանական նստաշրջանը բացեց ՀՍՍՀ ԳԱ պրեզիդենտ, ակադեմիկոս Վ. Հ. Համբարձումյանը:

Ներածական խոսքով հանդես եկավ ՀԿԿ Կենտկոմի առաջին ֆարտուղար Ա. Ն. Քոչինյանը, որը մասնավորապես կանդ առավ սովետական ժողովուրդների եղբայրական բնտանիքում ժողովրդական տնտեսության, գիտության ու կուլտուրայի ասպարեզում հայ ժողովրդի ձեռք բերած նվաճումների վրա: Անգնահատելի է ՍՍՀՄ ԳԱ մշտական ու հսկայական օգնությունը մեր հանրապետությունում գիտության համակողմանի զարգացման գործին. որի շնորհիվ մեր ակադեմիան դարձել է երկրի գիտական խոշոր կենտրոններից մեկը:

Այնուհետև «Ժողովուրդների մեծ բնտանիքի գիտությունը» զեկուցմամբ հանդես եկավ ակադեմիկոս Վ. Հ. Համբարձումյանը: ՍՍՀՄ կազմավորումից ի վեր անցած 50 տարում, ընդդեմ նա, հայրենական գիտությունը հսկայական թոփշ գործեց. որին մեծապես նպաստեց գիտության խելացի, համաշափ զարգացումը երկրի բոլոր շրջաններում. աշխատանքի յուրահատուկ բաժանումը տարբեր հանրապետությունների գիտնականների միջև՝ հաշվի առնելով յուրահանջուր գիտական կոլեկտիվի հնարավորությունները: Նրե ցարական Ռուսաստանում գիտական հաստատություններն ու կադրերը գտնվում էին կենտրոնական մարզերում, ապա սովետական իշխանության հաստատումից հետո կոմունիստական կուսակցությունը և սովետական կառավարությունը միջոցներ ձեռնարկեցին ամենուրեք զարգացնելու հետազոտական միտքը, ստեղծելու ազգային կադրեր, գիտատեխնիկական բազա: Այդ հոգատարության և ուշադրության արգասիքն էր գիտական խոշոր կենտրոնների ստեղծումը երկրի բոլոր վայրերում. այդ թվում՝ Անդրկովկասում:

Ակադեմիկոս Պ. Ն. Պոսպելովի գե-

կուցումը նվիրված էր «ՍՍՀՄ կազմավորման 50 տարին ինտերնացիոնալիզմի լենինյան սկրբբուններին հաղթանակն է» թեմային: — Հոկտեմբերյան սոցիալիստական մեծ հեղափոխության հաղթանակը, — ասաց նա, — ֆաղափական պայմաններ ապահովեց, իսկ արտադրության միջոցների սոցիալիստական սեփականության հաստատումը տնտեսական նախադրյալներ ստեղծեց մեկ միասնական միությունական պետության մեջ երկրի բոլոր ժողովուրդների համախմբման համար: ՍՍՀՄ 50 տարին կոմունիստական կուսակցության լենինյան ազգային ֆաղափականության հաղթանակն է, նրա սկրբունների հետևողական իրականացման արդյունք: Սովետական Հայաստանի օրինակով կարելի է տեսնել, թե ինչպես ժողովուրդների բարեկամության կենտրոն մեծ ուժը և լենինյան իմաստուն ազգային ֆաղափականությունը հանգեցրել են հանրապետության գիտության, մշակույթի ու տնտեսության շտեսնված ծաղկման: Զեկուցողը մանրամասնորեն խոսեց այն մասին, թե Սովետական Միության բոլոր ժողովուրդները ինչպես են կատարում մեր երկրի սոցիալ-տնտեսական, ֆաղափական և կուլտուրական զարգացման հոյակապ ծրագիրը:

Իր ելույթում ՎՍՍՀ ԳԱ պրեզիդենտ, ակադեմիկոս Ի. Ն. Վեկուսյան պատմեց եղբայրական վրաց ժողովրդի գիտական նվաճումների և անդրկովկասյան եղբայրական ժողովուրդների գիտնականների համագործակցության մասին: Նա ասաց, որ երեք հանրապետությունների ակադեմիկոսների ղեկավարությունը ամեն ինչ անում է, որպեսզի բարեկամության ու համագործակցության ավանդույթները այսուհետև էլ ամրապնդվեն ու զարգանան. նպաստեն գիտական հրատապ պրոբլեմների լուծմանը:

Այնուհետև ելույթ ունեցավ Ադրբեջանական ՍՍՀ ԳԱ ակադեմիկոս-ֆարտուղար Մ. Ս. Կաշկաշյանը, որը բերեց բազմաթիվ փաստեր հանրապետությունում գիտության զարգացման, ինչպես նաև հայ և ադրբեջանցի գիտնականների գործառու համագործակցության մասին:

Իր զեկուցման մեջ ՍՍՀՄ ԳԱ ակադեմիկոս Տ. Ս. Խաչատուրովը արծարծեց ՍՍՀՄ

ժողովրդական տնտեսության պլանավորմանը նվիրված մի շարք հարցեր: Այժմ, ասաց նա, մեր էրկուսմ ՍՄԿԿ XXIV համագումարի որոշումների ոգով տեղի է ունենում ՍՍՀՄ ժողովրդական տնտեսության պլանավորման կատարելագործում: Մեր երկիրը ձեռնամուխ է եղել ժողովրդական տնտեսության զարգացման զլխավոր պլանի մշակմանը. որը թելադրվում է կոմունիզմի նյութատեխնիկական բազայի ստեղծման շաներով:

«ՍՍՀՄ զարգացումը և մարդկության ապագան» թեմայով հանդես եկավ ՍՍՀՄ ԳԱ րդրակից-անդամ Յ. Ա. Ստեփանյանը: Նա ընդգծեց, որ Սովետական Միությունը պատմության մեջ ազգերի առաջին համերաշխ միությունն է: ՍՄԿԿ լենինյան ազգային քաղաքականության մեծագույն նվաճումներից մեկը ՍՍՀՄ ժողովուրդների ձևով ազգային, բովանդակությամբ սոցիալիստական մշակույթների զարգացումն ու փոխադարձ հարստացումն է: Զեկուցողը քննադատության ենթարկեց ազգային հարցի հակամարտության մեկնաբանությունները:

Նստաշրջանում զեկուցումներով հանդես եկան նաև ՀՍՍՀ ԳԱ ակադեմիկոս Ա. Ա. Առաքելյանը («ՍՍՀՄ կազմավորումը և Սովետական Հայաստանի տնտեսական ծաղկումը»), փիլիսոփայական գիտությունների դոկտոր Ս. Ս. Թովմասյանը («Գիտատեխնիկական հեղափոխությունը և ազգային հարաբերություն-

ների զարգացումը ՍՍՀՄ-ում»), Վրացական ՍՍՀ ԳԱ րդրակից-անդամ Շ. Վ. Զիծիգուրին («Լեզվաբանության զարգացումը Վրացական ՍՍՀ-ում»), բանասիրական գիտությունների դոկտոր Ս. Կ. Դարոնյանը («Սովետական բազմազգ գրականության զաղափարական ու գեղագիտական միասնությունը»), ՀՍՍՀ ԳԱ ակադեմիկոս Ծ. Պ. Աղայանը («Սովետական Ռուսաստանի դերը ՍՍՀՄ կազմավորման գործում»), ՀՍՍՀ ԳԱ ակադեմիկոս Գ. Բ. Ղաբրիջանյանը («Լենինյան ազգային քաղաքականությունը և սովետական պետականության կազմավորումը Անդրկովկասում»), ՀՍՍՀ ԳԱ րդրակից-անդամ Գ. Ա. Գալոյանը («Ազգային հարցի լենինյան լուծումը ՍՍՀՄ ժողովուրդների բարեկամության հիմն է»), պատմական գիտությունների դոկտոր Փ. Ա. Ազիզբեկովան («Հայ և ադրբեջանական ժողովուրդների դարավոր բարեկամությունը»):

ՀՍՍՀ ԳԱ ընդհանուր ժողովն ու հորելլանական նստաշրջանի աշխատանքներն ամփոփեց ՀՍՍՀ ԳԱ պրեզիդենտ, ակադեմիկոս Վ. Հ. Համբարձումյանը:

Նստաշրջանին ներկա էին ՀԿԿ Կենտկոմի, ՀՍՍՀ կառավարության ղեկավար աշխատողներ և Հայաստանի ու հարևան հանրապետությունների ակադեմիկոսներ:

Ա. ՇԱՀՆԱԶԱՐՅԱՆ